



ADDENDA AO CONVENIO DE COLABORACIÓN ENTRE O CONSELLO ECONÓMICO E SOCIAL DE GALICIA, A DEPUTACIÓN PROVINCIAL DE OURENSE E A UNIVERSIDADE DE SANTIAGO PARA A ELABORACIÓN DUN ESTUDO SOBRE AVALIACIÓN E ANÁLISE DO POTENCIAL DO CAMIÑO DE SANTIAGO-VÍA DA PRATA, PARA O DESENVOLVEMENTO SOSTIBLE A ESCALA LOCAL

En Santiago de Compostela, a 3 de decembro de 2019,

COMPARECEN

Dunha Parte, Agustín Hernández Fernández de Rojas, Presidente do Consello Económico e Social de Galicia (en adiante CES) actuando en nome e representación desta institución en virtude das facultades recoñecidas polo artigo 16 d) da Lei 6/1995, do 28 de xuño, pola que se crea o Consello Económico e Social de Galicia, con domicilio aos efectos deste convenio en Rúa Algalia de Abaixo nº 24, 15704, Santiago de Compostela

Doutra parte, Don José Manuel Baltar Blanco, Presidente da Excm. Deputación Provincial de Ourense (en adiante DPO), actuando en nome e representación desta entidade local e en uso das atribucións que lle veñen conferidas polo acordo plenario de data 14.07.2015, de elección do seu Presidente, artigo 34.1b da Lei 7/1985, reguladora das bases de réxime local e actuando en uso das competencias atribuídas polos artigos 109 e seguintes da Lei 5/1997, de Administración Local de Galicia; e con domicilio aos efectos deste convenio no Pazo Provincial, emprazado na Rúa Progreso 32,32003, Ourense

Doutra parte, Antonio López Díaz, Reitor da Universidade de Santiago de Compostela (en adiante, USC), actuando en nome e representación desta institución en virtude do disposto polo artigo 82 dos Estatutos da dita Universidade, aprobados por Decreto 14/2014 de 30 de xaneiro da Xunta de Galicia (DOG do 12/02/2014), e con domicilio en Pazo de San Xerome – Praza do Obradoiro, s/n, 15782 Santiago de Compostela.

As tres institucións comparecentes recoñécense mutuamente plena lexitimación, capacidade e representación para a sinatura da presente addenda e, a estes efectos

EXPOÑEN

PRIMEIRO.- Que as Partes subscribiron un Convenio de Colaboración con data 17 de xuño de 2019 para regular a colaboración para a realización dun *estudo de avaliación do potencial do Camiño de Santiago-Vía da Prata para o desenvolvemento local dos núcleos polos que transcorre en Galicia*.

SEGUNDO.- Que na Cláusula Novena do citado Convenio de colaboración establécese que as Partes poderán modificar o citado Convenio mediante a subscrición do correspondente instrumento modificativo.

TERCEIRO.- Que é de interese entre as Partes asinantes, modificar o orzamento e valoración económica da contribución das Partes para o correcto desenvolvemento do estudo.

Na súa virtude, as Partes comparecentes acordan as seguintes

CLÁUSULAS

PRIMEIRA.- Modificar a cláusula Segunda do Convenio de referencia que queda redactada como segue:

SEGUNDA. ORZAMENTO E VALORACIÓN ECONÓMICA DA CONTRIBUCIÓN DAS PARTES ASINANTES DO CONVENIO

O custo total do Convenio ascende á cantidade de TRINTA MIL EUROS (30.000 euros), desagregados do seguinte modo:

GASTOS	IMPORTE
Dedicación do Investigador principal e investigador docente (PDI)	16.000€
Contratación de persoal	3.645,28€
Material funxible, inventariable, servizos externos e desprazamentos	6.216,79€
Custos indirectos	4.137,93€
TOTAL	30.000€



O CES comprométese a colaborar nas actuación propias do presente Convenio cunha achega económica por importe de SEIS MIL EUROS (6.000 euros), con cargo á aplicación orzamentaria 06.B1.611A.640 correspondente aos orzamentos xerais da Comunidade Autónoma de Galicia para o ano 2019.

Así mesmo a DPO comprométese a colaborar nas actuación propias do presente convenio cunha achega económica por importe de DEZASETE MIL EUROS (17.000 euros).

A achega que realiza a USC para contribuír ao presente convenio é de SETE MIL EUROS (7.000 euros).

En definitiva, tendo en conta que tanto o CES como a DPO, por ser entidades públicas carecen de ánimo de lucro na realización das actuacións obxecto do convenio, a contribución económica tanto a do CES como a da DPO, anteriormente referida, corresponde a unha compensación parcial polos gastos que terá que soportar a USC no desenvolvemento do obxecto do Convenio, no xeito anteriormente especificado e que se sinala tamén na memoria xustificativa que forma parte integrante do expediente administrativo tramitado.

Ditas achegas financiarán exclusivamente o custo de realización das actividades obxecto deste Convenio sen que ningunha das Partes asinantes poida destinala a obxecto distinto.

SEGUNDA.- As cláusulas restantes do Convenio de referencia quedan inalteradas.



En proba de conformidade canto antecede, as partes asinan este documento por triplicado
exemplar no lugar e data no encabezamento indicados

POLO CONSELLO ECONÓMICO E SOCIAL

POLA DEPUTACIÓN DE OURENSE



POLA UNIVERSIDADE DE SANTIAGO